

CONVOCATORIA DE MOBILIDADE PARA PERSOAL SAÍNTE DENTRO DO PROGRAMA CARTES ERASMUS+ (KA107)

BASES DA CONVOCATORIA

1.- Obxecto da Convocatoria:

A Escola de Arte e Superior de deseño Pablo Picasso da Coruña fai pública a presente convocatoria cuxo obxecto e a concesión de **1 axuda de mobilidade para persoal docente** destinada a financiar unha estancia de formación durante o curso 2022/2023 en **países Asociados**, no marco do Programa Erasmus+ KA107.

Este programa desenvólvese grazas á aprobación por parte da Comisión Europea (Servizo Español para a Internacionalización da Educación- SEPIE) das **Mobilidades de estudantes e persoal entre países do Programa e países Asociados**.

A mobilidade agora convocada xestiónase dentro do **Consortio CARTES**

2.- Mobilidade dispoñible para EASD Pablo Picasso:

*1 mobilidade para **Montenegro***

O centro de destino é **University of Montenegro**

3.- Requisitos dos solicitantes EASD Pablo Picasso:

Poderán participar tódolos profesores que impartan estudos na EASD Pablo Picasso (ensinanzas superiores de deseño e ensinanzas profesionais) durante o curso 2022/2023.

O/A seleccionado haberá de tomar contacto coa Institución xa conveniadas e con outras máis especificamente adicadas á docencia destes ámbitos, tanto nas áreas de destino coma noutras áreas ou países das rexións asignadas ao Consorcio.

4.- Datás da mobilidade:

A mobilidade desenvolverase **a semana do 8 ao 12 de maio de 2023**

Se houbera algún cambio nas datas, o seleccionado deberá adaptarse as que finalmente se establezan.

5.- Axuda económica:

O participante na mobilidade recibirá unha axuda económica para sufragar os custos de manutención durante o período da mobilidade, así coma unha axuda económica para sufragar os custos da viaxe, segundo se especifica a continuación:

1) Importe da viaxe:

- Montenegro: 275/360€, dependendo da distancia entre o centro de envío e a institución de destino.

2) Apoio individual:

- Persoal saliente: 180€ / día

O importe da viaxe sinalado pode sufrir modificacións en función da distancia entre o centro de orixe e o centro de destino, polo que haberá que calcular os importes definitivos en base a ferramenta elaborada a tal efecto pola Comisión Europea https://ec.europa.eu/programmes/erasmus-plus/resources/distance-calculator_en.

6.- Procedemento de solicitude:

Para poder participar no programa de mobilidade Erasmus, os solicitantes deberán presentar a seguinte documentación na Secretaría do centro:

1. Impreso de solicitude (**anexo 1**)
2. Plan de traballo (**anexo 2**)
3. Acreditación do nivel de idioma (se tivera).

Devanditos documentos entregaranse na oficina da EASD antes do 31 de xaneiro de 2023.

A presentación da solicitude implicará coñecer e aceptar o contido da presente convocatoria e do regulamento.

Ao asinar a solicitude, o solicitante autoriza o uso dos seus datos relativos a nome, apelidos, no taboleiro de novas e na web do centro. A desconformidade con este apartado poderá ser manifestada mediante escrito que será achegado no momento da presentación da solicitude.

7.- Adxudicación da mobilidade:

A Comisión de valoración levará a cabo a resolución da convocatoria. Para isto, establecerá unha lista priorizada que seguirá a orde de puntuación obtida na aplicación do baremo tendo en conta o seguinte:

1. A participación por primeira vez no programa de Mobilidade Erasmus.
2. Puntuación: 6,00 puntos.
3. A participación por segunda vez no programa de Mobilidade Erasmus.
4. Puntuación: 4,00 puntos.
5. A participación por terceira vez no programa de Mobilidade Erasmus.
6. Puntuación: 2,00 puntos.
7. Presentación de acreditación ou certificación de nivel de idiomas estranxeiro.
8. O nivel de idioma acreditado do país de destino terá a seguinte puntuación de acordo co Marco Común Europeo de Referencia para as Linguas: Ensino, Aprendizaxe, Avaliación:

NIVEL	PUNTUACIÓN
B1	3,00
B2	4,00
C1	5,00
C2	6,00

Terase en conta o nivel acreditado de inglés, no caso de que non sexa o idioma do país de destino, coa seguinte puntuación de acordo co Marco Común Europeo de Referencia para as Linguas: Ensino, Aprendizaxe, Avaliación:

NIVEL	PUNTUACIÓN
B1	1,50
B2	2,00
C1	2,50
C2	3,00

Puntuación máxima: 6,00 puntos.

5. Valoración do plan de traballo segundo o Anexo 2.
Puntuación máxima: 2,00 puntos.

No caso de empate na baremación anterior, este resolverase dando prioridade ao profesorado con maior permanencia no centro. No caso de que persistise o empate, valorarase a maior permanencia na función docente.

Os solicitantes, unha vez baremados, pasarán a formar parte dunha lista de seleccionados ordenada de maior a menor puntuación.

A coordinadora de Programas Internacionais da EASD Pablo Picasso publicará a resolución definitiva sobre a adxudicación das mobilidades na páxina web da Escola.

O adxudicatario, persoal docente do programa de mobilidade Erasmus, adquire o compromiso de divulgar a súa experiencia ao resto de persoal/estudantes do centro.

8.- Renuncias:

A renuncia a unha beca de mobilidade xa adxudicada presentarase por escrito á coordinación ERASMUS da EASD Pablo Picasso.

Son causas xustificadas de renuncia:

- Enfermidade ou accidente grave do adxudicatario.
- Enfermidade grave ou falecemento dun familiar ata segundo grao.
- Cumprimento dun deber público.
- Calquera outra causa suficientemente acreditada a xuízo da Dirección da EASD Pablo Picasso.

As renuncias inxustificadas supoñen unha penalización para o adxudicatario, que perderá o dereito á concesión dunha beca de mobilidade no curso académico inmediatamente posterior á renuncia.

9.- Prazos:

- Solicitud: O prazo de presentación abranguerá desde o día da publicación na web da presente convocatoria ao 31 de xaneiro de 2023 (hora de peche da Secretaría da EASD)

10.- Adxudicatario: Trámites antes de comezar a estancia

O adxudicatario deberá tramitar a solicitude de permiso á Dirección da EASD Pablo Picasso.

O adxudicatario realizará tódolos trámites necesarios e requiridos pola plataforma CARTES

Ademais deberá asegurarse a cobertura sanitaria durante a estancia e subscribirá unha póliza que cubra accidentes e responsabilidade civil durante a estancia.

11.- Adxudicatario: Trámites durante a estancia

O adxudicatario debe comunicar á coordinación ERASMUS da EASD Pablo Picasso a súa incorporación ao centro de destino.

12.- Adxudicatario: Trámites ao finalizar a estancia

O adxudicatario debe entregar á coordinación ERASMUS da EASD un certificado de cumprimento da estancia segundo o modelo normalizado, asinado e datado polo responsable do control da mobilidade do organismo de destino.

A data de certificación terá que ser igual ou posterior á data de finalización da estancia. Non se admiten certificados con data anterior á finalización do período de mobilidade.

O adxudicatario debe dar a máxima **difusión** ás actividades realizadas durante a súa estancia por medio da Web e as redes sociais da EASD Pablo Picasso.

ANEXO 1

IMPRESO DE SOLICITUDE

IDENTIFICACIÓN DO PARTICIPANTE	
Nome do participante	
Apelidos do participante	
Correo electrónico do participante	
Teléfono do participante	
Indicar as participacións anteriores no programa Erasmus	

ANEXO 2

Plan de traballo

Nome e Apelidos:	
Mobilidade: (País e centro de destino)	Montenegro: University of Montenegro
Data estimada:	do 8 ao 12 de maio de 2023
Breve descripción da actividade:	
Relación entre a especialización do profesor e as materias no centro de destino. Liñas de traballo e de investigación e a súa repercusión na EASD. Como se realizará a difusión dos resultados. Outros	